

## Kuala Lumpur

Da min Flug verspätet gsii isch, bin i erscht am 10:30 am Abig aacho und ha vor luter Müedigkeit gar nid viel gseh vo de Stadt! Es isch uf jedefall komisch gsii, nach mä Monet uf dä Inse, wieder i ärä Stadt z'sii! Übernachte tuen i im „8ight GH“! Es 6er Zimmer, aber recht luxuriös, für es GH also super! Leider bin i wieder verkeltet und i ha mir drum au nid z'viel vorgnoh für sightseeing! Bi aber soch am 10i, los uf mini Erkundigstour, ha ja nur anderthalb Tag ziit! Zerscht bin i zu dä „Petronas – Tower“, ha eigentli ufe wellä uf Brugg, aber i ha nid gwusst, dass nur e gwüssi aazahl uekönd und i bi scho z'spaht gsii! Da mini Flip – Flops gad no kaputt gange sind, hät mi denn zwungenermasse ☺ d'Shoppinglust gad packt, und i bi im KLCC, das isch im Petronas – Gebäude, go shoppe! Was immer guet isch, das i eignli gar kei Platz ha, drum han i mi au zäme grissä und nur s'nötigscht pöstelet! Nach Sushi – stärichig, bin i denn z'Fuess wiiter zum KL – Tower (Fernsehturm). Sis ch dä 4. gröschti uf de dä Welt! Hät zwar 20 Ringitt (Malaysischi Währig) zahlt, aber s'hät sich echt glohnt! Mer hät über di ganz Stadt gseh und mit mä Chopfhörer au nochli Gschicht vo KL ghört! Die Stadt isch ersch vor ca. 150 Jahr, langsam aagfange baue werde. Leider hät's aagfange regne und d'Uussicht isch praktisch nur no us Wulche bestandä! ☹ Ha mi denn uf dä Heiweg gmacht aber dur dä Rege (ohni Jagge und Schirm) han i meega lang gha! Kuala Lumpur hät mir sehr gfallä, isch halt chli churz gsii! Aber ehrlich gseit, bereu i mini Entscheidig nid, nid läger in Malaysia z'reise: Da Malaysia hauptsächlich Muslim's hät und das als allei reisendi „westlich“ Frau, nid gad eifach isch! Das han i sogar i dem einzige Tag gmerkt! Kuala Lumpur isch aber trotzdem en Stop vo 2 bis 4 Tag wert, es gäbt da no viel z'gseh!